



РЕПУБЛИКА СЕВЕРНА МАКЕДОНИЈА
УПРАВЕН СУД
СКОПЈЕ

REPUBLIKA E MAQEDONISË SE VERIUT
GJYKATA ADMINISTRATIVE
SHKUP

Su-01.nr.0102-32 / 2021

20.12.2021

Sh k u p

Kryetari i Gjykatës Administrative, në përputhje me nenet 88 dhe 92 të Ligjit të Gjykatave ("Gazeta Zyrtare e Republikës së Maqedonisë" nr. 58/2006; nr. 35/2008, nr. 150/2010 dhe nr. 96 / 19), lidhur me nenin 7 paragrafi 1 pika 4 e Rregullores së gjykatës ("Gazeta Zyrtare e RM-së" nr. 66/2013 dhe nr. 114/2014), pas seancës së mbajtur të gjykatësve, më 20.12.2021, miratoi:

**PROGRAM
PËR PUNËN E GJYKATËS ADMINISTRATIVE PËR VITIN 2022**

Me këtë program caktohen punët dhe detyrat nga fushëveprimi i Gjykatës Administrative, e sidomos lloji dhe numri i lëndëve ndaj të cilave Gjykata vepron, punët dhe detyrat lidhur me monitorimin dhe hulumtimin e problemeve që dalin nga praktika gjyqësore, e që janë në interes të zbatimit të drejtë dhe të vetëm të ligjeve, etj.

Nëpërmjet caktimit të punëve dhe detyrave që janë në kompetencë të kësaj gjykate, në kryerjen e funksionit gjyqësor të përcaktuar me Kushtetutë, ligje dhe marrëveshje ndërkontinentale, të ratifikuara në përputhje me Kushtetutën, sigurohet zbatimi i së drejtës dhe mbrojtja e të drejtave dhe lirive të njeriut.

Qëllimet dhe funksionet e përcaktuara me këtë program, përfshijnë:

1. Zgjidhjen në kohë dhe në mënyrë cilësore të lëndëve që janë nën kompetencë të Gjykatës;
2. Mbrojtjen dhe respektimin e të drejtave dhe lirive të njeriut;
3. Zbatimin e paanshëm të së drejtës pavarësisht pozitës dhe cilësisë së palëve;
4. Sigurinë juridike dhe krijimin e kushteve që çdo person të jetojë i sigurt, në kuadër të zbatimit të së drejtës;

5. Përgatitjen e analizave, informacioneve, udhëzimeve etj., të cilat do të ndihmojnë në zbatimin e duhur të së drejtës;

6. Takime dhe këshillime, të organizuara nga Akademia për Gjykatës dhe Prokurorë Publikë, në lidhje me edukimin e gjykatësve dhe nëpunësve gjyqësorë, nga Shoqata e Gjykatësve, si dhe nga organet dhe organizatat e tjera.

Në kohën e përgatitjes së Programit të punës për vitin 2022, në Gjykatën Themelore në Shkup janë plotësuar gjithsej 30 vende gjyqësore, përfshi edhe kryetarin e gjykatës, nga gjithsej 30 vende gjyqësore të parashikuara, përfshi edhe kryetarin e gjykatës, në përputhje me Vendimin e Këshillit Gjyqësor të Republikës së Maqedonisë, ndërsa njërit prej gjykatësve i pushon funksioni gjykatës në Gjykatën Administrative, për shkak se i njëjtë eshtë zgjedhur Kryetar i Gjykatës së Lartë Administrative.

Përfundimisht me ditën e miratimit të këtij Programi, në Gjykatën Administrative janë punësuar: 72 nëpunës gjyqësorë, 4 (katër) pjesëtarë të policisë gjyqësore dhe 2 punonjës, të cilët kryejnë punë teknike. Në të njëjtën kohë, gjatë vitit 2021, u zhvillua procedurë për punësimin e 14 nëpunësve gjyqësorë me kohë të caktuar, përfundimisht më 31 dhjetor, 2021.

Në fillim të marsit 2021, Gjykata Administrative, në procedurë për punësim, pa shpallje publike, nëpërmjet marrjes së përhershme, realizoi punësimin e 1 (një) nëpunësi gjyqësorë edhe atë me titull bashkëpunëtorë-përkthyesh në pajtim me planin K-5 nga Ministria e Sistemit Politik dhe e Marrëdhënieve Ndërmjet Bashkësive.

Gjatë muajit qershor 2021, Gjykata Administrative, në procedurë për punësim, pa shpallje publike, nëpërmjet marrjes së përhershme, angazhoi 1 nëpunës gjyqësorë me titull këshilltar-udhëheqës te biblioteka e gjykatës nga Ministria e Arsimit dhe Shkencës.

Gjatë muajit shtator 2021, në Gjykatën Administrative, një nëpunësi gjyqësorë iu ndërpre marrëdhënia e punës në Gjykatën Administrative, edhe atë një këshilltari-informaticien.

Gjatë vitit 2021, Gjykata Administrative zhvilloi procedurë sipas shpalljes publike për punësimin e nëpunësve gjyqësorë me kohë të caktuar përfundimisht më 31.12.2021.

Në vitin 2021, nevojiten minimum 15 punësime të nëpunësve gjyqësorë: nëpunës gjyqësorë profesionistë, nëpunës administrativë gjyqësorë në zyrën e shkresave dhe daktilografistë, në mënyrë që Gjykata Administrative, në tërësi ta kryejë funksionin e saj në përputhje me rregulloret.

Objekti administrativ (hapësira administrative) në të cilën eshtë vendosur Gjykata Administrative dhe i kryen punët dhe detyrat në kompetencë të saj, gjendet në rr. "Orce Nikollov" pn. Shkup dhe eshtë pronë e SHA për qarkullim postar "Posta e Maqedonisë" - Shkup dhe të njëtin, gjykata e përdor në bazë të marrëveshjes për qira të lidhur

ndërmjet SHA "Posta e Maqedonisë" - Shkup, si qiradhënës dhe Ministrisë së Drejtësisë së Republikës së Maqedonisë, si qiramarrës.

Me Vendimin për dhënien në përdorim të përhershëm të gjësendeve të paluajtshme Gjykatës Administrative nr. 44-8928/1 datë 25.9.2018 të sjellë nga Qeveria e Republikës së Maqedonisë, Gjykatës Administrative i janë dhënë për përdorim të përhershëm, pa kompensim, gjësende të paluajtshme -objekte të cilat gjenden në rrugën "Dame Gruev" nr. 28 në PK nr. 13479 për KK Qendër 1 dhe Fletëpronësia nr. 103028 KK Qendër 1, pronë e Republikës së Maqedonisë. Gjatë vitit 2019, u zhvillua procedurë për përshtatje të brendshme, rinvim dhe rikonstruim të objektit të ri, i cili në përputhje me fushëveprimin e punës dhe kompetencave të Gjykatës Administrative, detyrimisht duhet t'i plotësojë të gjitha kushtet e parashikuara dhe të nevojshme përfunksionimin e gjykatës.

Pas dhënies së objektit, nga ana e Gjykatës Administrative, që prej vitit 2018, u zhvillua procedurë për prokurim publik të shërbimit - përgatitje të dokumentacionit projektues, si dhe procedurë për prokurim publik të shërbimit - revizion të dokumentacionit projektues. Projekti për përshtatjen e brendshme me rinvimin e objektit ekzistues - ndërtesës dhe raporti i kontrollit teknik - revizioni i projektit bazë janë përgatitur dhe dorëzuar në Gjykatën Administrative. Pas dorëzimit të projektit të rishikuar, është zhvilluar procedurë për prokurimin e punëve - rinvim me përshtatje të brendshme, për të cilën procedurë janë siguruar mjete në vlerë prej 30,000,000.00 denarë me Aktvendim nr. 01-197/33 datë 31.01.2019 për sigurimin e mjeteve për shpenzime kapitale të përdoruesve individualë të buxhetit për pushtetin gjyqësor përvitin 2019, të miratuar nga Këshilli Gjyqësor Buxhetor. Duke marrë parasysh që oferta më e leverdishme e marrë gjatë procedurës është në vlerë prej 51,682,622.47 denarë, me shkresë të datës 03.06.2019, Gjykata Administrative iu drejtua Qeverisë së Republikës së Maqedonisë së Veriut, me kërkesë për të gjetur mënyrë dhe të bëhen përpjekje që të sigurohen mjete për zbatimin e plotë të marrëveshjes kornizë. Nga Qeveria e Republikës së Maqedonisë së Veriut njoftu se ka vullnet për sigurimin e mjeteve për realizimin e plotë të marrëveshjes kornizë, por mjetet do të ndahen në momentin kur do të fillojnë aktivitetet e ndërtimit.

Përkundër të gjitha veprimeve të ndërmarra nga Gjykata Administrative përsigurimin e të gjitha kushteve përinovimin e objektit dhe sigurimin e të gjitha mjeteve të nevojshme përinovimin e objektit, gjykata ende nuk mund ta marrë në zotërim, pëarsye se një pjesë e shërbimeve të Ministrisë së Transportit dhe Lidhjeve ende e përdorin objektin dhe nuk mund të fillohet me aktivitetet ndërtimore. Gjykata Administrative, me shkresë iu drejtua Avokaturës së Shtetit që të ndërmerr masa konkrete përvendosjen e Ministrisë së Transportit dhe Lidhjeve. Përgjigja e tyre ishte se ministria në fjalë ende nuk është zhvendosur, përsye se pjesa financiare dhe teknike e procedurës së rikonstruimit dhe mbindërtimit të objektit të ministrisë, i cili ndodhet në rr. "Crvena Skopsko Opshtina" nr. 4, është në fazë përfundimtare dhe se të njëjtë ende nuk kanë leje përvendosjen e objektit. Masa të tjera konkrete nga Avokatura e Shtetit nuk janë ndërmarrë.

Nga këto arsyё eshtë prolonguar realizimi i punimeve ndërtimore-sprofessionale pёr rinovim dhe pёrshtatje qё janë tё nevojshme, duke pasur parasysh qё objekti eshtë ndёrtesë e vjetër dhe nё masë tё madhe i amortizuar.

Me krijimin e kushteve pёr tё filluar punimet ndërtimore(zanateve) pёr renovimin dhe adaptimin e objektit, gjatë vitit 2021 Gjykata Administrative nё vazhdimesi ka realizuar procedurën e furnizimeve publike pёr adaptimin (pёrshtatjen) dhe rikonstruimin e objektit ekzistues, punimet e sё cilit duhet tё mbarojn nё muajin mars, 2022.

Pёr realizimin e Programit do tё kujdeset Kryetari i Gjykatёs, gjykatёsi, nёpunёsit gjyqёsorë dhe tё punёsuarit e tjerё nё gjykatё.

KRYETARI I GJYKATЁS

Brenda fushёveprimit dhe kompetencёs funksionale tё Kryetarit tё gjykatёs, janё lёndet nga administrata gjyqёsore, edhe atё: "AGJ"; "AGJ -01"; "AGJ -02"; "AGJ -03"; "AGJ -04"; "AGJ -05"; "AGJ -IZZ"; "AGJ -DOV"; "AGJ -STR-DOV"; "UPP" dhe "SPI".

Gjatë vitit 2021, deri nё momentin e miratimit tё Programit, nё regjistrin "AGJ", janё regjistruar 1315 lёndё, nё regjistrin "UPP" 484 lёndё, dhe nё regjistrin "SPI" 28 lёndё, me ç'rast krahasuar me numrin e kёrkesave tё regjistruara nё regjistrat gjyqёsorë tё theksuara nё periudhёn e kaluar, njё numรt i pritshёm lёndesh tё reja nё vitin 2022, tё cilat do tё regjistrohen nё regjistrat "AGJ", do tё jenё 1500 lёndё, nё regjistrin "UPP", 600 lёndё, ndёrsa nё regjistrin "SPI", 40 lёndё.

Nё tё njёjtёn kohё, Kryetari i Gjykatёs Administrative, si gjykatёs i kёsaj gjykate, nuk vepron dhe nuk vendos pёr lёndet qё do tё regjistrohen nё Gjykatёn Administrative, pёr paditё qё dalin nga dispozitat e Kodit Zgjedhor, ndёrsa duke marrё parasysh detyrimet e Kryetarit tё Gjykatёs Administrative, nё pёrputhje me Ligjin e Gjykatave, nё lidhje me organizimin e punёs sё gjykatёs dhe ndёrmarrjen e masave pёr kryerjen me kohё dhe nё mёnyrё tё rregullt tё punёs nё gjykatё dhe nё pёrputhje me Rregulloren e gjykatёs, nё lidhje me miratimin e fotografimit, incizimit nё gjykatё dhe paraqitjen publike tё tyre, e veçanёrisht nё lidhje me informimin nё kohё tё publikut pёr punёn e gjykatёs gjatë procedurёs pёr mbrojtjen e tё drejtёs zgjedhore.

PUNA NDAJ LЁNDЁVE

Gjatë periudhёs sё shёnuar nё kёtё program, puna e Gjykatёs Administrative do tё kryhet brenda tre seksioneve tё specializuara gjyqёsore, nё pёrputhje me nenin 12 tё Ligjit tё Gjykatave ("Gazeta Zyrtare e RM-sё" nr. 58/06; nr. 35 / 2008, 150/10, 83/18 dhe 198/18), edhe atё:

I - SEKSIONI I SPECIALIZUAR GJYQËSOR PËR FUSHËN JURIDIKO-PRONËSORE, DENACIONALIZIMIN, URBANIZIMIN, NDËRTIMTARINË DHE PËR TË DREJTAT E TJERA TË NGJASHME

Në kuadër të këtij seksioni, formohet këshill i cili do të veprojë dhe vendosë përlindët në fushën pronësore-juridike dhe të të drejtave të tjera të ngjashme dhe i njëjtë do të vendosë për ndarjen e tokës ndërtimore; tjetërsimin e tokës ndërtimore; regjistrimin në kadastrën e pasurive të patundshme; masat e mbikëqyrjes inspektuese lidhur me marrëdhënet e punës nga fusha e arsimit; kompensimin për përdorimin e tokës ndërtimore; arsimin; marrjen e të drejtës së shfrytëzimit të tokës ndërtimore; të drejtën prioritare për përdorimin e tokës ndërtimore; transformimin e së drejtës për shfrytëzimin e tokës ndërtimore; përcaktimin e përbajtjes së pasurive të patundshme; regjistrin qendror, mbështetjen financiare për zhvillimin rural, heshtjen e administratës në fushën e mbështetjes financiare për zhvillimin rural, sportin, dëmshpërblimet në bazë të papunësisë, konfliktin e interesit dhe korrupcionin, paditë e tamponëve; shkeljet në fusha të ndryshme; shkarkimin nga funksioni dhe detyra në fushën e seksionit - këshillit; certifikata (licenca) në fushën e seksionit - këshilli; ekspertë në fushën e seksionit - këshilli; subvencionet në fushën e seksionit - këshillit; dhënien e provimit për inspektor në fushën e seksionit - këshillit dhe kontratat administrative në fushën e seksionit - këshillit.

Në kuadër të këtij seksioni, formohen dy këshilla që do të veprojnë dhe vendosin për çështjet në fushën e denacionalizimit, urbanizmit, ndërtimtarisë dhe përtë drejtat e tjera të ngjashme dhe ata do të vendosin për denacionalizim; shpronësim dhe baza të tjera administrative; shpronësimin; transformimin e ndërmarrjeve me kapital shoqëror; shkeljet në zona të ndryshme; shkarkimin nga funksioni dhe detyra në fushën e seksionit - këshillit; shkarkimin nga detyra të organeve të vetëqeverisjes lokale; veterinari; pëlqimin për ekonominë e ujërave; avacionin; komunikimet elektronike; mjedisin jetësor (në çfarë baze përfshihen mbrojtja dhe shpëtimi nga katastrofat natyrore, subvencione dhe masa për mbrojtjen e mjedisit jetësor - peleta); ndalimin e ndërtimit; veprimtarinë komunale; legalizimin; transportin në linjë; masat e inspektimit bujqësor; masat e inspektimit, masat e inspektimit në fushën e transportit të linjës; masat e inspektimit në fushën e aprovimit për rikonstruim, ridestinim, përshtatje; masat e inspektimit në fushën e veterinarisë; masat e inspektimit në fushën e veprimtarisë komunale; masat e inspektimit në fushën e mjedisit jetësor; masat e inspektimit në fushën e gjuetisë; masat e inspektimit në fushën e heqjes së ndërtimit, objektit, objektit të përkohshëm; vendim për zgjidhjen e kontratës së qirasë; miratim për kryerjen e veprimtarisë; leje të ndërtimit në trafikut hekurudhor; miratim për rikonstruim, ridestinim, përshtatje; miratim për përdorimin e objektit; heqja e ndërtimit, objektit, objektit të përkohshëm; rimbursimi i subvencioneve; ndërpërja e ndërtimit; radiodifuzion, zgjidhja përkushtet e lokacionit; banimi; peshkimi; masat e sanimit urban; prishja e objektit; pylltari; kthimi i fondeve dhe norma e interesit në fushën e seksionit - këshillit; mbrojtja e monumenteve dhe trashëgimisë kulturore; kulturë (veprimtaria e filmit); ekspertë në fushën e seksionit - këshilli; përdorimi i parkingjeve; shkelje në zona të ndryshme; shkarkime nga funksioni dhe detyra në fushën e seksionit- këshillit; certifikata (licenca) në fushën e seksionit- këshillit; subvencione në fushën e seksionit- këshillit; dhënia e

provimit për inspektor në fushën e seksionit - këshillit dhe kontratat administrative në fushën e seksionit-këshillit.

II - SEKSIONI I SPECIALIZUAR GJYQËSOR PËR PENSIONET, TË DREJTAT E SIGURIMIT PENSIONAL DHE INVALIDOR, DOGANAT, KONCESIONET, PARTNERITETET PUBLIKO-PRIVATE DHE PËR TË DREJTAT E TJERA TË NGJASHME

Në këtë sektion, formohet këshill i cili do të veprojë dhe vendos për çështjet në fushën e sigurimit pensional dhe invalidor për të drejtat e tjera të ngjashme dhe i njëjtë do të vendosë për shikimin dhe shpërndarjen e fëmijëve; shtesa për fëmijë; baza të tjera administrative, ndihmë të njëherëshme; pension bujqësor; pension invalidor; shërimi në vend dhe jashtë vendit; invaliditet ushtarak në kohë paqeje; masat mbikëqyrëse të inspektorit të punës; kompensim për pagën me kohë të pjesshme për shkak të kujdesit për fëmijë me aftësi të kufizuara fizike dhe intelektuale; rimbursimi i kostove për shërim jashtë vendit; kompensime për barnat e blera dhe pajisjet mjekësore; shumë të ulët të pensionit; shumë të re të pensionit; kompensim monetar për lëndim trupor; ndihmë dhe kujdes për një person tjetër; birësim të fëmijës; ndihmë të përherëshme financiare; ndihmë financiare sociale; të drejtat e sigurimit të detyrueshëm shëndetësor; të drejtat për mbikëqyrje shëndetësore - sanitare; të drejtat e kujdesit shëndetësor; të drejtat për ndihmë financiare për nënën që ka lindur fëmijën e katërt; kontributet e sigurimit pensional dhe invalidor, kontributet e sigurimit shëndetësor; organizatë shëndetësore private; rehabilitimi profesional; shtesa për shurdhim dhe lëvizshmëri; caktim të punëve të tjera përkatëse, rikualifikim, kualifikim shtesë dhe të drejtë për pagesa të tjera; pension familjar; akomodim në qendrën e rehabilitimit për personat me pengesa; ndihmë sociale; pension pleqërie; kujdestari; harmonizim të pensionit; përcaktimi i stazhit të sigurimit - stazhi pensional; shkelje në fusha të ndryshme; shkarkime nga funksioni dhe detyra në fushën e seksionit - këshillit; certifikata (licenca) në fushën e seksionit - këshillit; subvencione në fushën e seksionit - këshillit; dhënia e provimit për inspektor në fushën e seksionit - këshillit dhe kontratat administrative në fushën e seksionit - këshillit.

Në kuadër të këtij seksioni formohet edhe këshill i cili do të veprojë dhe vendos për çështje në fushën e doganave, koncesioneve, partneritetet publike-private dhe të drejtave të tjera të ngjashme dhe i njëjtë do të vendosë për të drejtat e autorit; akcizat; punët bankare; automjetet; shtetësinë; bazat e tjera të menaxhimit, energjetikën; vendbanimet; taksat komunale; koncesionet dhe partneritetet publike-private; evidencën amzë; mbrojtjen; armët; dokumentet e udhëtimit; të drejtat e pronësisë industriale; kundërvajtjet në fushën e doganave; banimin; statusin e refugjatëve-azil; taksën gjyqësore; letrat me vlerë; doganat; subjektet afariste; shqiptimin e sanksioneve; kthimin e fondeve dhe normës së interesit në fushën e seksionit - këshillit; shkeljet në fusha të ndryshme; shkarkime nga funksioni dhe detyra në fushën e seksionit - këshillit; certifikata (licenca) në fushën e seksionit - këshillit; subvencionet në fushën e seksionit - këshillit; dhënia e provimit për inspektor në fushën e seksionit - këshilli dhe kontratat administrative në fushën e seksionit - këshilli.

III - SEKSIONI I SPECIALIZUAR GJYQËSOR PËR ÇËSHTJE FINANCIARE DHE PËR TË DREJTAT E TJERA TË NGJASHME

Në këtë seksion formohen tre këshilla, të cilët do të veprojnë dhe vendosin për çështjet në fushën e tatimit personal; tatimit mbi fitimin; tatimit mbi vlerën e shtuar; tatimit mbi pronën; tatimit të qarkullimit; tatimit mbi trashëgiminë dhe dhuratën; prokurimet publike, verifikimin e faktave; kandidatë për kursantë në Akademinë e Gjykatësve dhe Prokurorëve; kundërvajtjet në fushën e tatimit; arkëtimin e detyrueshëm (përfshirë edhe arkëtimin e detyrueshëm të taksës së radiodifuzionit dhe arkëtimin e detyrueshëm të taksës së shërbimeve); marrëdhënie pune; çështje financiare nga sporti, të drejtën e pagës pas përfundimit të detyrës, funksionit (apanazhë); financimin e partive politike; kthimin e fondevë dhe normave të interesit, avokatët, ndërmjetësuesit, lojërat e fatit, informacionet e klasifikuar, mbrojtjen e të dhënavë personale, shkarkimet nga detyra, ekonomia, përmbaruesit, noterët, qasja në informacion publik, prokurorët (përfundimi dhe shkarkimi i prokurorëve nga funksioni, dhe kandidatët për marrjen e provimit të jurisprudencës), ndihmë juridike falas, ndalimin e kryerjes së veprimtarisë, shkarkim nga funksionet publike, kundërvajtje në fusha të ndryshme; shkarkime nga funksioni dhe detyrë në fushën e seksionit - këshillit (në fushën e financave), certifikata (licenca) në fushën e seksionit - këshillit; subvencione në fushën e seksionit - këshillit; dhënia e provimit për inspektor në fushën e seksionit - këshillit dhe kontratat administrative në fushën e seksionit - këshillit.

Nëse në Gjykatën Administrative paraqitet kontest administrativ, për bazën e cila me këtë program nuk përcaktohet në kompetencat e seksioneve të specializuara, i njëjti do të regjistrohet në Regjistrin-URP-lëndë të ndryshme administrative.

Në Regjistrin-URP-regjistrohen edhe lëndët në bazë "të së drejtës zgjedhore" të lidhura me Kodin Zgjedhor ("Gazeta Zyrtare e RM-së" nr. 40/2006; 136/2008; 148/2008; 155/2008; 163/2008 ; 44/2011; 51/2011; 142/2012; 31/2013; 34/2013; 14/2014; 30/2014; 196/15; 35/16; 97/16; 99/16; 136/16, 142 / 16, 127/17, 35/18, 99/18, 140/18, 208/18 dhe 27/19) si dhe lëndët e regjistruara kundër vendimeve të Komisionit Shtetëror për Parandalimin e Korrupsionit, në përputhje me Ligjin e Parandalimit të Korrupsionit dhe Konfliktit të Interesit ("Gazeta Zyrtare e RMV-së nr. 12/19), të sjellë në lidhje me nenin 8-a, nenin 8-b dhe nenin 8-c të Kodit Zgjedhor.

Në Regjistrin -URP- regjistrohen rastet në lidhje me Ligjin e Qeverisë së Republikës së Maqedonisë së Veriut ("Gazeta Zyrtare e Republikës së Maqedonisë" nr. 59/00, 26/01, 13/03, 55/05, 37/06, 115/07, 19/08, 82/08, 10/10, 51/11, 15/13, 139/14, 196/15, 142/16, 140/18 dhe "Gazeta Zyrtare e Republikës së Maqedonisë së Veriut" nr. 98/19).

Duke pasur parasysh se gjatë vitit 2021, në këtë gjykatë, gjithsej janë regjistruar dhe formësuar 9045 raste të reja normative, të cilat veprojnë në këshillat brenda seksioneve të specializuara gjyqësore, numri i pritshëm i lëndëve të reja në vitin 2022, do të ishte rreth 9500.

PËRGATITJA E ANALIZAVE, INFORMACIONEVE, SUGJERIMEVE DHE RISHIKIMEVE PËRMBLEDHËSE

Me qëllim përmirësimin cilësisë së punës, në Gjykatën Administrative në vitin 2022, do të përgatiten analiza, informacione dhe sugjerime me rishikime konkrete varësisht nga aktualiteti i çështjeve të caktuara juridike, probleme në punë, ndërsa gjykatësit dhe nëpunësit gjyqësorë, vitin aktual, sipas nevojës, do të përgatisin materiale për këshillim në një fushë të caktuar, ku në seksionin përkatës do të përcaktohen temat dhe personat që do t'i përgatisin, si dhe koha e mbajtjes së këshillimit. Materiali ndërkaq, do të duhet të verifikohet në seksionin përkatës, gjë për të cilën, kryetarët e këshillave, në kuadër të seksionit, do ta informojnë kryetarin e gjykatës.

Gjatë vitit 2022, do të përgatiten rishikime përmbledhëse dhe informacione për punën e parashtresave dhe propozimeve në vitin aktual, mbi lëvizjen dhe zgjidhjen e lëndëve në Gjykatën Administrative dhe mbi situatën me zgjidhjen e lëndëve të vjetra.

PRAKTIKA GJYQËSORE

Në kuadër të Gjykatës Administrative funksionon Këshilli i Praktikës Gjyqësore, i cili vepron dhe përpunon përbajtje të ndryshme që përfshijnë vendime të Gjykatës Administrative, vendime të Gjykatës së Lartë Administrative dhe pjesë nga ato vendime, për çështjet karakteristike që do të ishin të dobishme për gjykatësit gjatë veprimit me lëndët e ardhshme të njëjtë ose të ngjashme dhe unifikimin e praktikës gjyqësore. Më pas, në mënyrë të vazhdueshme do të ndiqen të gjitha ndryshimet ligjore, do të ndiqen edhe qëndrimet parimore, mendimet dhe konkluzionet e Gjykatës së Lartë, që shpallen në Praktikën Gjyqësore, si dhe Vendimet e Gjykatës Kushtetuese, të cilat janë të rëndësishme për lëndët ndaj të cilave vepron Gjykata Administrative, duke përfshirë edhe vendimet e Gjykatës Evropiane të të Drejtave të Njeriut.

LËNDË TË VJETRA DHE ME PRIORITET

Kryetari i Gjykatës Administrative e ndjek punën e gjykatësve, si dhe situatën e lëndëve të vjetra të pazgjidhura, drejtpërdrejtë dhe nëpërmjet sistemit AKMIS, si dhe nëpërmjet trupit punues për udhëheqjen e lëndëve.

Trupi punues për udhëheqjen e lëndëve, propozon masa për zgjidhjen e lëndëve të vjetra dhe përgatit plane për zgjidhjen e lëndëve të vjetra. Kryetarët e këshillave do të takohen çdo muaj për të zgjidhur lëndët e vjetra të pazgjidhura.

Gjykatësit të dorëzojnë raport me shkrim për lëndët e vjetra të pazgjidhura, duke përmendur arsyet për moszgjidhjen e tyre dhe të përpilojnë planin e tyre për periudhën kohore në të cilën lëndët do të ishin zgjidhur gjatë vitit 2022.

Gjatë vitit 2021, rastet e vjetra të pranuara rishtazi janë 153 ndërsa në vitin 2020 rastet e vjetra të pranuara rishtazi janë 278, që është një rënje prej 45% në vitin 2021 krahasuar me vitin 2020. Për këtë arsy, në vitin 2021 ka 177 raste të vjetra, ndërsa në vitin 2020, 315 raste të vjetra. Për këtë arsy, në vitin 2022, theks i veçantë do të vihet në uljen e pjesës së mbetur prej 24 lëndëve të vjetra të pazgjidhura që kanë mbetur në fund të vitit 2021, nga të cilat, 11 lëndë janë riregjistruar për shkak të shfuqizimit dhe 6 lëndë për shkak të përsëritjes së procedurës.

TAKIME DHE KËSHILLIME

Me qëllim përsosjen profesionale, gjykatësit dhe nëpunësit gjyqësorë në Gjykatën Administrative, si dhe të punësuarit e tjerë në shërbimin gjyqësor, do të marrin pjesë në këshillime, seminare dhe trajnime të tjera, të cilat do t'i organizojë Akademia për Gjykatës dhe Prokurorë Publikë, gjykatat, Shoqata e Gjykatësve, organet shtetërore dhe organizatat dhe shoqatat e ndryshme të huaja. Më pas, vendimi për të marrë pjesë në këshillime dhe seminare do të merret nga kryetari i gjykatës dhe kryetarët e sektioneve përkatëse, varësisht nga rëndësia e lëndëve që do të janë temë këshillimi, ndërsa të gjithë kanë të drejtë në përsosje të barabartë profesionale.

FORMA TË TJERA TË PUNËS

Të punësuarit në shërbimin gjyqësor, punën do ta realizojnë brenda detyrave të punës, të parashikuara me aktet e gjykatës dhe ajo që do t'u besohet nga kryetari i gjykatës dhe administratori gjyqësor.

Cdo i punësuar në shërbimin gjyqësor është i detyruar të japë raport mbi punën e tij, në të cilin do ta evidentojë punën e bërë gjatë muajit, e i cili do të përdoret përvlerësimin e punës së tij.

Policia gjyqësore, me të cilën udhëheq kryetari i Gjykatës Administrative, ka për detyrë ta sigurojë ndërtesën e gjykatës, njerëzit dhe lëndët si dhe të trajnohet teorikisht dhe praktikisht, në përputhje me planin e kryetarit të gjykatës.

Gjatë vitit 2022, vazhdimisht do të përditësohen të dhënat në ueb faqen e gjykatës.

Nga data 1.1.2018, në funksion është ueb faqja e brendshme e Gjykatës Administrative, në të cilën publikohen të gjitha të dhënat dhe informacionet e nevojshme në lidhje me punën e gjykatës.

Gjatë vitit, programi do të plotësohet përkitazi me dukuritë pozitive ose negative të konstatuara, me qëllim rritjen e efikasitetit dhe të azhurnimit të gjykatës.

KRYETARI I GJYKATËS ADMINISTRATIVE
Mr. Burim Sejdini

